

Script of Morning Gojri News Bulletin 10 December 2024 at 1015Hrs

ما رنینگ گو جری نیوز بلیٹن مورخہ 10 دسمبر 2024

یوہ آکا شوانی جموں ہے عبید الرحمان تین خبر سُنو۔

LG Youth

لیفٹنٹ گورنر منوج سنہا نے کہیو ہے کہ جموں کشمیر غی تقدیر غو فیصلو نوجوانان نے طے کرنو ہے اور سرکار نوجوان طبقہ نانہہ با اختیار بنان اور اُن غی اصلاح اور مدد واسطے وعدہ بند ہے۔ تانجے یوہ نوجوان طبقو اپنا خواباں غی تعبیر لوژن مانہہ کامیاب ہو سکے۔ ایل جی موصوف نے کہیو کہ ضرورت اس گل غی ہے کہ نوجوان طبقہ نانہہ حوصلہ تے ہمت غی تعلیم دتی جائے تانجے اُن غے اندر بے لاگ خدمت کرن غو جذبہ پیدا وے۔ ایل جی موصوف گذشتہ روز راج بھون مانہہ شیریں کیلاش جیوتس تے ویدک سنستھان ٹرسٹ غا سالانہ رسالہ کروتویا مرگ غا تیجا ایڈیشن غا اجراء غے دوران بول رہیا تھا۔

CM Industry

وزیر اعلیٰ عمر عبداللہ نے گذشتہ روز اپنی سرکار غا وعداں نانہہ دہراتاں واں مقامی صنعتاں غی ترقی تے دیگر مشکلات نال نیژن واسطے کاروباری افراد غی مدد واسطے تیار ہے۔ جے سی سی آئی غا دفتر مانہہ منعقد اک پروگرام غے دوران بولتاں واں موصوف نے کہیو کہ جموں کشمیر غے اندر صنعتاں نانہہ درپیش مشکلات تیں ہوں با خبر ہاں اور مہاری سرکار اس ضمن مانہہ ہر طرح غی مدد کرن واسطے تیار ہے۔ سیاحتی صلاحیت ور گل بات کرتاں واں وزیر اعلیٰ نے کہیو کہ مذکورہ شعبہ مانہہ ترقی غا کافی امکان ہیں اور علاقہ غے اندر عقیدت منداں گو آنو سیاحتی شعبہ مانہہ مزید مضبوط کرے۔ اُنہاں نے مزید کہیو کہ ہر سال جموں مانہہ شری ماتا ویشنو دیوی مندر ور 1 کروڑ تیں متا عقیدت مند حاضری دیں اور اگر ان عقیدت منداں وچوں صرف 15 فیصد افراد نانہہ جموں غا دیگر سیاحتی مقامات تک لے جا یو جے تے ہم سیاحاں غی تعداد مانہہ 15 افراد غو اضافو دیکھاں غا۔

Rana School

جل شکتی تے قبائلی امور غا وزیر جاوید احمد رانا نے گذشتہ روز کہیو ہے کہ عمر عبداللہ سرکار سب تیں زیادہ اہمیت تعلیم نانہہ دے رہی ہے۔ اور مہاری ذمہ داری ہے کہ ہر بچہ نانہہ معیاری تعلیم اور موافق ماحول فراہم کیو جائے۔ وزیر موصوف ہر گیڈیر خدا بخش پبلک ہائر سکینڈری اسکول جموں غا سالانہ تہاڑہ غا موقعہ ور بول رہیا تھا۔ وزیر موصوف نے کہیو کہ تعلیم یافتہ افراد اک اچھو سماج تشکیل دیں اور ترقی یافتہ ملک غی بنیاں رکھیں۔ جناب رانا نے مزید کہیو کہ سرکار تمام بچاں غی تعلیم واسطے اچھو ماحول قائم کرن غی وعدہ بند ہے۔ تاکہ یہ طالب علم معیاری تعلیم حاصل کر سکیں۔ اس تقریب تیں پہلاں وزیر موصوف نے خدا بخش پبلک ہائر سکینڈری اسکول جموں مانہہ تعمیر کیا گیا ڈاکٹر مسعود احمد چودھری بوائز ہوسٹل غو افتتاح کیو۔ اس تیں علاوہ وزیر موصوف نے مذکورہ اسکول غا کھیٹ میدان تے کے بی اسکول غا پیشہ وارانہ تربیتی مرکز غی توسیع واسطے نی پتھر وی رکھیو۔

Minister District

جموں کشمیر سرکار نے ترقیاتی پروگراماں غی موثر عمل آوری، آپسی رابطاں تے عوامی خدمات ور نیڑوین نظر رکھن خاطر وزراء نانہہ بکھ بکھ ضلعاں غی ذمہ داری سونپی ہے۔ سرکار ی حکم نامہ غے مطابق نائب وزیر اعلیٰ سریندر کمار چودھری جموں، پونچھ، اننت ناگ تے شوپیاں اضلاع غے اندر ہوریا تمام ترقیاتی کم کاج ور نظر رکھیں گا۔ اسے طرح وزیر جاوید احمد رانا ضلع ڈوڈہ، راجوری، پلوامہ تے بارہمولہ غے اندر مذکورہ کم کاج نانہہ دیکھیں گا۔ سکینہ مسعود اتو نانہہ کپواڑہ، سرینگر، کٹھوعہ تے ساہیہ ضلعاں غی ذمہ داری سونپی گئی ہے۔ جاوید احمد دار گا ندر بل، بڈگام، کشتواڑ، رام بن ضلعاں غی ذمہ داری نبھاویں گا۔ جد کہ ستیش شرما نانہہ ضلع ادھم پور، ریاسی، کلگام تے بانڈی پورہ ضلعاں غی ذمہ داری دتی گئی ہے۔ اس ذمہ داری غو مقصد جموں کشمیر غا تمام ضلعاں غے اندر ترقیاتی کم کاج نانہہ مزید بہتر تے موثر بنانو ہے۔

Smart India Hackthon

آئی آئی ٹی جموں اس سال 11 دسمبر تیں سمارٹ انڈیا ہیکتھان 2024 غا حتمی پروگرام غی میزبانی کر رہیو ہے۔ اس دوران پورا ملک تیں آئی 30 ٹیمیں بشکار مقابلو وے گو، جس دوران ملک غے اندر سائبر سکیورٹی تے اسے طرح غا دیگر معاملات نال نیڑن ور تبادلہ خیال وے گو۔ اس تقریب غے دوران آئی آئی ٹی جموں تیں 3 ٹیم حصو لے رہی ہیں۔ قومی سطح ور منعقد ہون آلا اس پروگرام غو یوہ 7 ووں اڈیشن ہے۔ جہیڑو جے وزارت تعلیم غی طرفوں منعقد کرایو جا رہیو ہے۔ اس تقریب غو افتتاح مرکزی وزیر تعلیم دھرمیندر پر دھان ویڈیو کا نفرنسنگ غے ذریعے کریں گا۔ بھارت غے اندر کل 51 نوڈل مرکزیاں مانہہ آئی آئی ٹی جموں کئی معاملات تے مشکلات غا حل مانہہ اہم کردار ادا کر رہیو ہے۔

Secretary RDD

دیہی ترقیاتی محکمہ تے پنچایتی راج غا سیکریٹری محمد اعجاز اسد نے گذشتہ روز اک میٹنگ غی صدارت کی، جس دوران جموں کشمیر دیہی طرز زندگی مشن غے تحت لکھ پتی دیدی اقدام غی عمل آوری غو جائزو لیو گیو۔ اس پروگرام غو مقصد دیہی خواتین نانہہ معاشی طور ر باختیار بنانو ہے اور اُن غی سالانہ آمدنی نانہہ 1 لکھ تک یقینی بنانو ہے۔ جموں کشمیر یوٹی نانہہ 2.33 لکھ، لکھ پتی دیدی غوبد ف دتو گیو ہے۔ جہیڑو جے اگلا 2 سال غے اندر پورو کرنو ہے۔
